

**طاح الكفيل اللي تهابه كلّ الابطال  
حقّ عليه ما هو بيدي امقّطع اوصال**

فارقنت روعي يالعقبيله بسجّ اِعتاب  
بالله أحلفج لا تعتبي أتزيدي لمصاب  
لو تنظري الجسمي توزّع فوق لتراب  
**خوفي تموتي من تعاین عينج الحال**

طببت نهر العلقمي وقلبي مليهوف  
لا ما شربت الماي ذبيته أمن لچفوف  
ويم النهر جيش الكفر من حولي أوقوف  
**مالوا عليه وطاحت أيميني ولشمال**

مذبوح ياخيّه تراني لا أتشمين  
معزول راسي وجثّتي منشطره صوبين  
ما سلّمت عيوني عسى الله يسلمّ حسين  
**وحده يظل مفرود بعدي بين لنذال**

إنّتي تعرفيني وفي ما أخلف أو عود  
سكينه أطلبت ماي أستحي أرجع بلا الجود  
عذروني لو ما قطّعوا يختي هالزنود  
**كنت أرجع الخيمات واروي أبجّفي لطفال**